

Nota, so man will daß er drey oder vier Jahr wehren soll/muß man der species desto weniger nehmen/ vnd desto süßer sieden/ dan zu viel species machen im alter einen herben geschmack.

### Eine Thonne Dincfelspieler Meth/helt andert halb Aymer.

Zu einer Thonne Honigs muß man an Specerey haben/ feminis fileris montani 1. pfundt Welschen Kümmel/ 3. handtvoll/ Coriander 1. handtvoll/ Anys/  $\frac{1}{4}$ . Fenchel/  $\frac{1}{4}$ . Rosmarin/ Lavendel blumen/ Spicarden kraut/ Creusfalb / jedes 1. handtvoll/ Frawendosten 2. handtvoll Hopffen 2. handtvoll.

Item/ wann der Meth gesotten ist/ vnd man denselben gut haben will/ für sein Haus/ soll man in ein Fäßlein ein wenig zerschnitten Nägeln vnd Zimmet hengen/ sonst darff man keiner würze.

### Eine ander weise Meth zu machen.

Nimb 7. oder 8. Maß Wasser/ zu einem Maß Honig/ ein Bispel voll Hopffe/ ein Kandel oder Stindel Wachholder/ ein halb pfundt Biolwurzel incidenter bereit/ Mandt totidem, Salbey eine Bispel/ Spica ex hortis, eine oder zwey Bispel/ ganzen Coriander / ein pfundt / Caneel  $\frac{1}{4}$ . pfundt / Nägeln  $\frac{1}{8}$ . pfundt / aromata incidentur, Muscatennuß  $\frac{1}{4}$ . pfundt/ Ein frisch Ey drey gehalten/ so stehet es nicht auff/ die species werden grob zerschnitten/ in ein Sack gethan/ vnd wann Honig vnd wasser vnd Kreuter coquirt werden/ der Hopffe drein geworffen / Darnach 1. Maß Hefen drauff gethan/ in einem schaffe drey tag vnd nacht verjähren lassen/ alsdan durch einen wullen Sack ablauffen lassen/ in ein Fäßlein dz wol vnden ein Zapffen habe/ wann sichs wol geleutert / so hänge man den Caneel/ Muscatenbl. Nägeln/ scilla in einem langen schmalen Säcklein drey.

Soll er starck werden/ so mag er 6. tage auff den Hefen liegen/ dieser ist weiß/ soll er roht werden/ so muß man schwarz gebrandt Honig drey thun/ als nemlich zwey quartin/ auff die röte gebrandtes Honig/ gehören auff 8. maß Meth/ wol miscirt, durch auß vnd eingiessen vnd oft leutern.

Man muß den Meth in gebichten Fässern halten/ wan er auffsteht/ so laß man in widerumb leutern vnd durchlauffen.

Et

NB.